

EBIET UDIBE YE IDARESIT EDINEN OWO

Psalm 91:1-16

QYQHQ UKPEP-ŊKPQ 83

Eke Mkparawa

IKQ IBUOT: “Ubqhq mi, ye qkpqsq ebiet mi; Abasi mi, nyebuqt idem mi ye enye” (Psalm 91:2).

Ebiet Iduñ Nnyin

Ŋwqro nda Psalm emi edi se ediwak owo emi eyomde ndida mme eñwqñq esie nnyene ekotde. Odu idaha eke owo enyenede ndisim man ekeme ndinam oro. Emi odu ke akpa ufañ, emi edide ukpohqre qnq mme ufañ eken ke Psalm emi. Man ekeme ndiduñ ke mfut mba Ata Qkpqsqñ, edi akpan ŋkpq nditie kaña ke ndibe ebiet Ata Edikoñ. Edi ukpqn eke edibede ke Abasi qbqh qkpupru oruk idiok-ŋkpq.

Ata ekese qkqn ke ikq emi “duñ.” Ndiduñ qwqro ndinyene akpan ebiet iduñ, ndinyuñ ŋka iso nduñ ke itie oro. Ŋkpembiere nnyin edi ndiduñ ke Abasi kpukpu ini, nnyuñ mkpere Qbqn, idighe ndiyom ererimbot ke nkañ kiet nnyuñ nyom usuñ Abasi ke nkañ efen koro Ŋwed Abasi etiñ qnq nnyin ete, baba owo kiet ikemeke “ndisaña utom mme ete iba.” Ndiduñ ke Abasi qwqro ndidianare ofuri-ofuri ŋkpqn ererimbot, unyeneke baba ebuana ndomo kiet ye enye. Nnyin ikemeke ndida ubak ini ndu uwem nnq Abasi nnyuñ nda ubak eken ndu uwem nte imade. Ndiduñ ke Abasi qwqro ndinam se inende kpukpu usen, ye ndisaña ke uduak Esie kpukpu ini (Psalm 106:3).

Mbemiso nditq Israel eka ekeedu ke Isqn Canaan, ema edqn mbon uyep eka ke obio Jericho. Mmq ekeedu ke ufok Rahab, emi okodipde mmq mbak edidem obio oro, onyuñ aŋwam mmq ndibqh ye uwem ke ndisuhqre mmq mbe ke enyqn ibibene man enyqn. Ke ndinam emi, enye ama ebeñe Nditq Israel ndiñwqñq ete ke iyenq uñwam ke ndisuhq uwem esie ke adañemi mmq edifiakde idi ndida obio oro nnyene. Mbon uyep ema edqh ete yak enye ada ididuot uruk, emi enye adade qsuqh mme imq ke isqn eyiri ke window. Mmq ema enq enye ntqt ete, ke enye enyene ndisuhq ke ufok emi eyiride ididuot uruk ke window. Edieke enye ediwrqde qkpqn ufok oro ke ini mme imq idifiakde idi, ke mmq idisuhqke enye ye uwem. Enye ekenyene ndiduñ do kpukpu ini. Ukem-ukem emi ke edi ke ŋkañ spirit; ke ini owo odude ke idak mba Abasi onyuñ esinede ke idak Iyip Ufak, enye qbqh -- onyuñ oduñ ke mfut nsinsi Ubq Abasi.

Ebiet Ubqh Nnyin

Psalm emi isañake ikekem ye mme ukpeme eke ererimbot. Ediwak owo emen idorenyin mmq ekeqn ke ŋkpq uwem emi editakde. Ndusuk, se enimde nte akpa edi okuk; edi mmq oro enyenede ediwak okuk, ekut ete enye ikemeke ndikpan udqnq mme ubuat-ubuat unqm. Okuk ŋko ikemeke ndidep usuñ emi adade owo osim Heaven. Ke 1 Ŋwed Timothy 6:10, nnyin ikot ntem “koro itqn inyene edi oruñ kpukpu oruk mme idiok-ŋkpq.” Ŋwed Abasi otim anam aŋwaña ŋko ete ke ini ke edi emi “owo eyeda ibqk silver esie, ye gold esie, . . . qduqk qnq oyit ye emiañ” (Isaiah 2:20).

Ndusuk edomo ndikop uyuhq ke ifiok-ñwed mme ke mme ŋkpq-ekqn. Baba mme ŋkpq emi kiet kaña akananam inqh owo ubqh. Ndien nso ke mme owo edimum ikama koro “Enyqn ye isqn eyebe efep” (Mark 13:31). Mbuqtidem ye uko owo Abasi edi ke Abasi, qkpqsq ufok-ekqn ye Andifak esie, ke kpukpu ini ye ke kpukpu idaha.

Ebiet Ubqh ye Andifak Nnyin

David ama qfiok se ndifehe ye uwem qwqrqde, koro Saul okoyomde enye ndiwot. Ke Ŋwed Psalm 18, ufañ 2, David ama enyene ukem ikq ntiense emi: “Jehovah edi akwa itiat mi, ye ufok-ekqn mi ye Andinyaña mi; Abasi mi edi akwa itiat mi; nyebuqt idem mi ye enye; otu-ekqn mi, ye nduk erinyaña mi, ye edikoñ ebiet.” Koro enye ama qfiok ete ke ekedi ubq Abasi akanyaña enye. Eyen Abasi okut kpukpu se enye oyomde ke ubq Abasi, ke adaña emi anam-idiok eberide idem ke ifiok esie emi adade enye aka nsobo.

Asua ekeme ndikqk afia nnq ikpat ukot fo, edi “Abasi edi akpanikq, idinyuñ iyakke edomo mbufo ebe se ukeme mbufo edide, edi enye eyesiak usuñ ubqh qnq mbufo ke ufqt idomo” (I Ŋwed Corinth 10:13).

Idighe Abasi ndifak ikpqn-ikpqn, edi Enye ŋko eyefuk onyuñ odip nnyin. Ukpeme enye emi ikpqn okpon akan, koro enye eyesqsq ada itie mbemiso nnyin idiyom uñwam ekekpdedi. Enye edi ebiet udibe nnyin. Jesus, ke ini eketiñde ikq abaña Jerusalem, ama qdqhq ete: Adaña ediwak ini didie ke ŋkoyom ndibon nditq fo qtq kiet, kpa nte unen obonde nditq esie ke idak mba esie. Jesus akada emi qnq nte uwut-ŋkpq, ndiwut ufiop, inemesit, ukpeme, ye uko emi odude ke Abasi. Enye edi ubqh ke kpukpu ini: “Koro Abasi qdqhqde ete, Ndikpuhu fi, ndinyuñ ŋkpqnke fi” (Mme Hebrew 13:5).

Ukpeme Nnyin

Ke ini ekọn ofuri ererimbot ọyọhọ ikaba, mkparawa emi ekewakde eti-eti ema ekot Psalm 91, emi ekediọnọde enye nte “Ikwo Awat Ubom ofum.” Idighe mmọ ndikekokot ikpọn-ikpọn, edi ema enim ke akpanikọ, enyuñ ekut ete ke enye edi akpanikọ. Okposuk edi mme owo ema esiduọnọ mmọ ke nkañ, ediwak emi ekebuọtde idem ye Abasi ema ebọhọ mkpa inyuñ idaha unan.

Mme eñwọnọ emi ewọrọ ewut idem ukem-ukem ke ini emem. Eñwọnọ enọ enye emi enyañade ete ke idiok-ñkpọ ndomo kiet idisimke enye, idiok-udọnọ idibiaakke enye. Ke editiñ mbaña idiok-udọnọ, nnyin ikere ibaña ufen duop emi okosimde nditọ Egypt. Ekedọn mme unọmọ nsobo emi enọ mmọ koro mmọ ekesinde ndikop uyo Abasi. Ikedighe ye mme owo ikpọn edi Abasi ama ọnọ isọn ufen ñko. Nnyin imeti ite, nte ufen akakade iso ọsọn, Abasi ama esin ubahare ke ufọt mbon isọn Egypt ye isọn Goshen emi ikọt Esie ekeduñde. Ufen ama omum isọn tutu ke adaña Goshen, edi ikebehe iduk. Abasi iditreke ndinam ukem oro mfin nnọ mmọ oro ebuọtde idem ye enye.

Ukpeme Ke Abaña Fi

Ọbọn ama onim mme spirit nte mme asana-utom ọnọ mmọ emi edidade erinyaña ukpọn inyene, emi edide mme angel ndikpeme mmọ (Mme Hebrew 1:14). Ema etim enam ekikere emi añwaña ke ndise emi ekotde “Angel Ukpeme,” emi owutde angel emi ekekpemede ñkpri nditọ iba emi ekeyomde ndibe enyene ndik ebọp. Ndise emi akabare edi usuñ mbuọtidem ye idorenyin ọnọ ediwak owo. Ikpọ ye ñkpri, enyuñ ema enye, koro oto ke enye idorenyin akabare ada itie ndik.

Angel Ọbọn edi andikpeme kpukpru nditọ Abasi. Mmọ ekeme ndikut nte ubọk Abasi okosiode mmọ efep ke mme ini nnanenyin, ke mme ikpọ ye ñkpri ñkpọ. Ediwak ini mmọ esinyene mbufiok ebaña ukpeme oto ke Nwedd Abasi, me ke ekpri itie ke esit, ke mbuk ñkpọ ntibe eke mme Anditiene-Christ me ke akam.

Ekedi ndusuk itie ke Psalm emi ke satan okokot ke ini enye okodomode Jesus. Emen enye odori ke edikoñ ebiet Temple, onyuñ ọdọhọ enye ete, “Edieke Afo edide Eyen Abasi, sio Idem Fo mi duok ke isọn, koro ema ewet ete, Enye eyenọ mme angel Esie uyo abaña Fi, ete ekpeme Fi: ñko, mmọ eyekama Fi ke ubọk mmọ, Mbak afo edituak ukot Fo ke itiat” (Luke 4:9-11). Satan ekeme ndikot ikọ Abasi, edi mi, nte esidide, enye ama edue onyuñ ada enye esin ke edinam ke usuñ eke minenke.

Jesus ama ọbọrọ enye ete, “Ema ewet ete, Kudomo Jehovah Abasi Fo.” Ukem nte Jesus okonimde mme ikọ ọrọ, ntre ñko ke enyene ndinim mfin emi. Ke Psalm 91, nnyin imokot do ite ke anditiene-Christ ekeme ndidighi ekpe me ibọm ndien inamke enye ñkpọ ubiak. Edi inaha enye okokoi akanam, edieke anamde ọwọrọ enye ododomo Abasi; mme enye ndinam ñkpọ efen emi enyenede ndik ye ekikere nte ke Abasi eyeñwam.

Bọp Ima Fo Dori Ke Enye

Psalm 91 ekeme ndidi ikọ ntiense fo ñko. Abasi oñwọnọ ubọhọ ke ini afanikọn ye ibọrọ ke ini esemede ekot Enye, ọnọ enye emi odoride ima esie ke enye. Isaiah 65:24 etiñ do ọnọ nnyin ete, “Ndien ama ekem, ke mmọ mika ikotke kaña, ami nyeyere: ke mmọ esuk edọhọde ikọ, ami nyekop.”

Ọfọn afo ndinam Jehovah edi ebiet iduñ fo, man oto do afo ada mme eñwọnọ emi enyene. Abasi oyom ekpri oto fi ke ediwak ñkpọ eke Enye ọnọde fi. Nnyin ikot ke Micah 6:8 ite “Nso ke Jehovah oyom ye afo, ke mibọhọke ndinam se inende, nnyuñ mma ima Abasi, nnyuñ nsuk idem nsaña ye Abasi Fo?”

MME MBUME

1. Mme anie ke enọ mme eñwọnọ emi edude ke Psalm emi?
2. Nnyin inam didie ifiok ite ke nnyin idu ke ndedibe ebiet Ata Edikoñ?
3. Abasi nnyin asaña didie edi ọkpọsọn ebiet ubọhọ?
4. Nso idi otu ekọn nnyin?
5. Anie enyene ndikpeme ikọt Abasi nnyuñ mmum mmọ nkama?
6. Ndidomo Abasi ọwọrọ didie?
7. Kot tract Apostolic Faith ọyọhọ 11, “Psalm Awat Ubom- ofim.”